

Sooq oqaloqateqarnissamut neqeroorut tigussavara?

Peqqinnissaqarfimmi suliaritereernerpit kingorna apeqputit saqqummersinnaapput.

- Sooruna nakorsaq taamatut iliortoq
- Suliaritereernerup kingorna nalinginnaava taamaattoqarnissaa?
- Suliaritinnerup allatut ingerlanneqarsinnaasimava?

Apeqputit paatsuungassutaasinnaapput, kamaammertillutit nikallortillutilluunniit.

Suliaritinnerit naammagisimanngikkukku oqaloqatigiinnerup ilinnoorpoq. Sooq taamatorpiaq suliaritissimanerlutit nassuiaatsikkusupputit.

Oqaloqatigiinnerup ujartukkatit akissutissarsiffiginissaannut ikiorsinnaavaatit.

Oqaloqatigiinnerpit peqqinnissaqarfiup pitsanngorneranik kinguneqarsinnaavoq

Oqaloqatigiinnermi misigisatit oqaluttuarigukkit, peqqinnissaqarfimmi sulisut ilik-karnissaminnut periarfissaqassapput. Taamatut iliornikkut illit immaqa, siunissami sullitat pitsaanagerusumik suliarineqarsinnaapput misigisaqarsinnaallutillu.

Oqaloqatigiinnerup kingorna naammagittaalliornissannut periarfissaqartuaannarputit.

Oqaloqatiginnissamut periarfissaq atorukku, allakkatigut naammagittaallior-nissannut imaluunniit taarsiivigineqarnissamut qinnuteqaasiornissannut sunni-uteqarnaviangilaq.

Oqaloqatigiinnerup suna naammagittaalliutiginnaanerlugu aqputissiuussin-naavaatit.

Oqaloqateqarusuppunga – taavami qanoq iliussaanga?

Oqaloqateqarusukkuit, suliariffigitissimasannukassaait. Tassani ilisimatinneqas-saatit oqaloqatigiinnerup qanoq ingerlassanersoq kinalu oqaloqatigissanerit.

Dronning Ingrid Napparsimaviani suliarineqarsimaguit illit sumiiffinni peqqinnis-saqarfiup immikkoortortaqaqfianut saaffiginissaait.

Oqaloqatiginnissannut qanoq piareersassaanga

Oqaloqatigiinnermi illit siuttuunissat naatsorsuutigineqanngilaq, aamma oqaloqatigiinnerup ingerlanerani piumasaqaateqartoqarnaviangilaq.

Peqqinnissaqarfimmi sulisut tusarneqarnissat kiisalu isummavit annissisin-naanissannut periarfissaqarsinnaanerit isumagissavaat.

Oqaloqatigiinnermi pitsaassaaq, oqaloqatigiinnermi suna angorusunnerlugu eqqarsaatigereersimassagit. Aamma pitsaassaaq apeqputissatit allakkukkit, taamaasillutit apeqputissatit tamaasa apeqputiginiassagakkit akitillugillu.

Qanigisatit ikinngutilluunniit oqaloqatigiinnermi najuussinnaapput tapersersuisu-tut.

Allanik ilaqaarlutit oqaloqateqaruit iluaqutaassaaq, taamaasillutit tusarnaar-toqarsinnaavoq kiisalu suna oqaatiginiarnerit eqqaasitsivigineqarsinnaallutit.

Pisariaqartitsinikkut marlunnik oqaasilimmik imaluunniit nutserisumik peqataasoqassaaq.

Oqaloqatigereernerup kingorna

Oqaloqatigereernerup kingorna suliaritissimaninnut pisimasut ilisimasaqarfigine-rulersimassavatit.

Tamatumalu kingunerisaanik pisortatigoortumik naammagittaalliornissannut aa-lajangersinnaavutit.

Naammagittaalliut

Ataani allaqqasut naammagittaalliornermi paasissutissat naatsut allaqqapput. www.peqqik.gl –imi qanoq naammagittaalliorsinnaanerlutit atuarsinnaavat.

Naammagittaalliut qanoq tunniutissavara?

Naammagittaalliuteqarnermi skiima atugassaq www.peqqik.gl –mi nassaari-neqarsinnaavoq. Peqqinnissaqarfimmi aamma immersugassaq pineqarsin-naavoq.

Naammagittaalliuut qanoq ingerlasarpa?

Naatsorsuutigisariaqarpoq naammagittaalliuutip suliarineqarnera sivisuumik ingerlasinnaasarmat. Nalinginnaasumik naammagittaalliuut ukiup aappa avillugu ingerlakkajuppoq akuttunngitsumillu sivisunerusarluni.

Nunatsinni Nakorsaaneqarfimmut allakkatigut naammagittaalliorlutit aallartissaatit. Nunatsinni Nakorsaaneqarfik paasissutissanik aallissaaq tamatumalu kingorna susoqarsimaneranik allakkiussaaq.

Nunatsinni nakorsaanerup paasissutissat katersorsimasai Danmarkimi Napparsimasut Peqqinnissaqarfimmut Maalaarutaannik Aalajangiisartunut nassiuneqassapput. Napparsimasut Peqqinnissaqarfimmut Maalaarutaannik Aalajangiisartut suliaq misissussavaa aalajangerlugulu suliaritinnermi naammagittaallornissamut tunngavissaqarnerseq.

Taarsiivigitinneq

Taarsiivigitinniarnermut suliaq Peqqissutsimut Naalackersuisoqarfiup isumagisarivaa. Siullertut Naalackersuisoqarfiup takusarpaa, Napparsimasut Peqqinnissaqarfimmut Maalaarutaannik Aalajangiisartut oqaaseqaataa suliaritinnermi isornartorsiuteqarnerseq. Tamatuma kingorna naalackersuisoqarfiup paasissutissat tunngavigalugit nalilersortarpaa taarsiivigitittoqarsinnaanersaq.

Qanoq isillunga paasisinnaavara suliaq sumut killinnerseq?

Suliat ingerlanerani allakkanik arlalinnik tunineqarumaarputit, aalajangiisoqannginnermilu suliamut tunngatillugu oqaaseqarnissannut periarfissineqarumaarlutit.



Peqqinnissaqarfimmi sullinneqarsimanerit naammaginngiliuk?

Peqqinnissaqarfimmi sulisunik Oqaloqateqarit –
tusarneqarlutillu akissutissarsissaatit!

